

ხელშეკრულება სახელმწიფო შესყიდვის შესახებ
ელექტრონული ტენდერი - NAT
დაფინანსების წყარო - ქალაქ თბილისის მუნიციპალიტეტის 2019 წლის ბიუჯეტით ვაკის რაიონის
გამგეობისთვის დამტკიცებული ასიგნებები
(ხელშეკრულების პირობები შეიძლება შეიცვალოს ან/და დაზუსტდეს ხელშეკრულების გაფორმების ეტაპზე)

ქ. თბილისი

“___” _____ 20-- წ.

ერთის მხრივ ქალაქ თბილისის მუნიციპალიტეტის ვაკის რაიონის გამგეობა (შემდგომში „შემსყიდველი“), წარმოდგენილი გამგებლის _____ სახით და მეორეს მხრივ _____ (შემდგომში „მიმწოდებელი“), წარმოდგენილი _____ სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები ხელშეკრულებაში

გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ქუჩის კალათბურთში ტურნირის ჩატარების ორგანიზების მომსახურების სახელმწიფო შესყიდვა.
(CPV 92622000)

3. ხელშეკრულების ღირებულება და მომსახურების გაწევის ვადა

- 3.1. ხელშეკრულების ღირებულება შეადგენს: _____ ლარს.
- 3.2. ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელი, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 3.4. მომსახურების გაწევის ბოლო ვადაა: ხელშეკრულების გაფორმებიდან არაუგვიანეს 2019 წლის 31 ივლისისა.
- 3.5. მომსახურების გაწევის ადგილია: ქალაქი თბილისი, ვაკის რაიონის ტერიტორია.

4. მხარეთა ვალდებულებები

4.1. მიმწოდებელი ვალდებულია:

მიმწოდებელმა უნდა უზრუნველყოს ქალაქ თბილისის მუნიციპალიტეტის ვაკის რაიონის გამგეობის მიერ ტურნირის გაიმართება ოლიმპიური პრინციპით ვაკის ტერიტორიაზე.

ტურნირს გაუძღვებიან ლიცენზირებული მსაჯეები.

ტურნირში გამოვლინდება 3 გამარჯვებული გუნდი, რომლებიც დაჯილდოვდებიან თასებით, მედლებით, სიგელებითა და ფულადი პრიზებით.

ღონისძიების ჩატარების თარიღი: 2019 წლის ივნისი-ივლისი.
ჩატარების ადგილი: ვაკის რაიონის ტერიტორია.

გასაწევი მომსახურება:

- ტურნირი ჩატარდება 2019 წლის ივნისში ან ივლისში და გაგრძელდება 1 დღეს (თარიღი დაზუსტდება ხელშეკრულების გაფორმების დროს.)
- ტურნირში მონაწილეობას მიიღებენ 16 წლის ზემოთ ახალგაზრდები.
- მიმწოდებელმა უნდა უზრუნველყოს ვაკის ტერიტორიაზე კალათბურთის მოედნის მოწყობა საფარით (საფარის ზომა- 15მ/11მ).
- მიმწოდებელმა ტურნირი უნდა უზრუნველყოს მაღალი ხარისხის კალათბურთის ბურთებით (2 ცალი 3x3) და ელექტონული ტაბლოთი.
- მიმწოდებელმა უნდა უზრუნველყოს 1 ცალი ბანერის (ზომით - 200სმ/300სმ) დამზადება, რომელზეც დატანებული იქნება ვაკის რაიონის გამგეობის ლოგო და წარწერა.
- მიმწოდებელმა უნდა უზრუნველყოს გუნდების დაკომპლექტება და რეგისტრაცია ხელშეკრულების გაფორმებიდან არაუმეტეს 3(სამი) დღის ვადაში.
- მიმწოდებელმა უნდა უზრუნველყოს მუსიკალური მომსახურება მთელი ტურნირის განმავლობაში (დიჯეი+ აპარატურა 5 კილოვატი).
- მიმწოდებელმა უნდა უზრუნველყოს სასმელი წყალი 0,5ლ პოლიეთილენის ბოთლებში 150 ბოთლი.
- მიმწოდებელმა უნდა უზრუნველყოს ლიცენზირებული მსაჯებისა (2 მსაჯი) და ტურნირის მდივნის მომსახურება.
- მიმწოდებელმა უნდა უზრუნველყოს შესაბამისი კვალიფიკაციის მქონე 1 ექიმის დასწრება ტურნირზე.
- მიმწოდებელმა უნდა უზრუნველყოს ტურნირის დასასრულს კომფეტი.

პრიზები

- თასი - პირველი ადგილისთვის - 1 ცალი. (ოქროსფერი, სიმაღლე არანაკლებ 50 სმ. გრავირება შემსყიდველთან შეთანხმებით).
- მედლები (პირველი, მეორე და მესამე ადგილისთვის: დიამეტრი არანაკლებ 6სმ; ოქროსფერი-4 ცალი, ვერცხლისფერი-4 ცალი და ბრინჯაოსფერი - 4 ცალი; ორმხრივი გრავირებული წარწერით: ერთ მხარეს შესაბამისი წარწერა- I, II, III, მეორე მხარეს გრავირება ტექსტით- „ვაკის რაიონის გამგეობა“).
- სიგელი პირველი 12 ცალი I, II, III, ადგილოსნებისთვის, დიზაინი და წარწერა შემსყიდველთან შეთანხმებით.

საპრიზო ფონდი: 1 ადგილი-800 ლარი,
2 ადგილი-600ლარი,
3 ადგილი-400ლარი.

4.2. შემსყიდველი ვალდებულია:

- ა) უზრუნველყოს გაწეული მომსახურების ინსპექტირება და დადებითი შეფასების შემთხვევაში მისი მიღება;
- ბ) უზრუნველყოს ღონისძიებაში მონაწილე გუნდების ინფორმირება, ღონისძიების ჩატარების ადგილისა და დროის შესახებ.
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

5.1 ხელშეკრულებით გათვალისწინებული მომსახურების ხარისხი უნდა შეესაბამებოდეს შემსყიდველის მოთხოვნებს.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნის შესაბამისად.

- 6.2 ინსპექტირებას შემსყიდველის მხრიდან განახორციელებენ ქალაქ თბილისის მუნიციპალიტეტის ვაკის რაიონის გამგეობის თანამშრომლები (უფლებამოსილი პირები).
- 6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი/ხარვეზი გაწეულ მომსახურებაში, მიმწოდებელი ვალდებულია შემსყიდველის მიერ წერილობით განსაზღვრულ გონივრულ ვადაში გამოასწოროს ის.
- 6.4 თუ ამ მუხლის 6.3 პუნქტით გათვალისწინებული წუნის/ხარვეზის გამოსწორების ვადა სცილდება ამ ხელშეკრულების მოქმედების ვადას, მიმწოდებლის მიერ წუნის/ხარვეზის გამოსწორება, ხოლო წუნის/ხარვეზის გამოსწორების შეუძლებლობის შემთხვევაში თანხის დაბრუნება უნდა განხორციელდეს ამ ხელშეკრულების მოქმედების ვადის გასვლამდე.
- 6.5 მიმწოდებელმა ხელი უნდა შეუწყოს შემსყიდველს ინსპექტირების განხორციელებისას.

7. მომსახურების მიღება-ჩაბარების წესი

- 7.1 შემსყიდველის მიერ შესყიდვის ობიექტის ან მისი ნაწილის მიღება ფორმდება მიღება-ჩაბარების აქტით შემსყიდველის და მიმწოდებლის უფლებამოსილი წარმომადგენლების ხელმოწერით.
- 7.2 შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ დადგენილ ვადაში. დეფექტის აღმოფხვრასთან დაკავშირებული ვადა თავის მხრივ გავლენას არ ახდენს მომსახურების შესრულების ძირითად გეგმაზე და არ აღემატება ხელშეკრულების მოქმედების ვადებს.
- 7.3 მომსახურების მიღებას აწარმოებს ვაკის რაიონის გამგეობის თანამშრომლები (უფლებამოსილი პირები).

8. ანგარიშსწორება

- 8.1. ანგარიშსწორების ვალუტა - ლარი.
- 8.2. ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 8.3. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის (თანმდევი მომსახურებით) ღირებულება ეტაპობრივად, მიღება-ჩაბარებების აქტების გაფორმებიდან 10 (ათი) დღის განმავლობაში.

9. ხელშეკრულების შესრულების შეფერხება

- 9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ დაუყოვნებლივ უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

- 10.1 წინამდებარე ხელშეკრულების მე-4 მუხლით განსაზღვრული ვალდებულების შეუსრულებლობის შემთხვევაში მხარეს ეკისრება პირგასამტეხლო ხელშეკრულების ღირებულების 5%-ის ოდენობით;
- 10.2 წინამდებარე ხელშეკრულებით გათვალისწინებული მომსახურების გაწევის ვადის დარღვევის შემთხვევაში მიმწოდებელს ეკისრება პირგასამტეხლო ყოველი ვადაგადაცილებული დღისათვის ხელშეკრულების ღირებულების 0.2%-ის ოდენობით.
- 10.3 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო ყოველი ვადაგადაცილებული დღისათვის ხელშეკრულების ღირებულების 0.2%-ის ოდენობით.
- 10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 10.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 1 (ერთი) თვის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2019 წლის 30 დეკემბრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია თანაბარი იურიდიული ძალის მქონე ორ იდენტურ ეგზემპლარად, ქართულ ენაზე, რომელთაგან ერთი გადაეცემა მიმწოდებელს, ხოლო მეორე - შემსყიდველს.

17. მხარეთა რეკვიზიტები:

შემსყიდველ

მიმწოდებელი